

اکھ مل مل زینبؓ ویکھدی اے نہیں ویر پچھانیاں جاندا ہے
گل پہن لباس غریبی دا سردار غریب کھاندا ہے

اوہدا غازیؑ کمر نوں توڑ گیا اوہدا قاسمؑ جگر مروڑ گیا
اوہدا اکبرؑ نظر وچھوڑ گیا اوہنوں رستہ نظر نہ آندا ہے

روح اکبرؑ دی اڈ جاوے گی اوہنوں موت یقیناً آوے گی
شیرؑ دی یارب خیر ہووے پیا برچھی نوں ہتھ پاندا ہے
دیکھو ابراہیمؑ خلیلؑ خدا برچھی تے کلیجہ اکبرؑ دا
کلا لال بتولؑ دا صلّ علیؑ پیا لاش جوان دی چاندا ہے

لب چُپ نہیں دل پیا بولدا اے رب صبر حسینؑ دا تولدا اے
پیا قاصد جی شاہ ڈولدا اے خط کیہڑے ویلے آندا ہے
بیمار تصور کردی اے اصغرؑ نوں سکینہؑ پھڑدی اے
گلاں توتلیاں وچ گودی دے ہمیشہ نوں ویر سناندا ہے

ڈٹھا برچھی کھاندا اکبرؑ نوں بن بازو عباسؑ دلاور نوں
ہُن ریت تے رکھ کے اصغرؑ نوں پیا قبر وی آپ بناندا ہے

اونے چُک چُک لاشاں آندیاں نہیں بھیناں اوسدیاں گھبرانیاں نہیں
پیا آکھدا بے کس لشکر نوں میرا رہ گیا بس اک ماندہ ہے

ہتھ بھین رکابے پایا اے بیٹھا دُل دل زہراؑ جایا اے
جتھے جا کے کوئی نہ آیا اے پیا بے کس اوتھے جاندا ہے

سینے کھا کے زخم بہتر دے لئے بوسے بھین دی چادر دے
پاٹیاں سر وچ دُختر دے اوہنوں آپ یتیم بناندا جے

کہیا زینبؑ ٹٹ ہُن آس گئی میری بی بیو مک ہُن پیاس گئی
ہتھوں شاہ دے چھٹ ہُن راس گئی مینوں ویر نظر نہ آندا جے

بن کفنوں پر شہر دے بن چادر دے ہمیشہ دے
علی عابد وچ زنجیر دے پیاش وچ کوڑے کھاندا جے

یہ جیوندی اے نہ مردی اے سر پٹدی ہو کے بھردی اے
پئی بابل بابل کردی اے اوہنوں شمرا جھڑکاں پاندا جے

ہے حشر پاسیدانیاں وچ ہُن شرم دے گہرے پانیاں وچ
پئی زینبؑ دُبدی جاندی اے دربار یزید بُلاندا جے

جس بستی پیو دا راج اوتھے دھی چادر دی محتاج اوتھے
زینبؑ دیاں نبضاں دُبدیاں نیکی دل سینے وچ گھبراندا جے

آؤ نجف توں مولا آجاو اک وار تاں پھیرا پا جاو
سر پیر برہنہ زینبؑ نوں وچ گلایاں شمر پھراندا جے

گل حق دی نثار توں کہہ دے کھری جنہوں غیرت نہیں جے زینبؑ دی
چُکھو اوس نوں پاک محمدؐ دا کیوں کلمہ گو کہلاندا جے

.....☆☆☆☆☆.....